



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCCXXII. Otto und Friedrich, Herzöge von Braunschweig und Lüneburg, genehmigen die von der Stadt Salzwedel und denen von Wustrow vorgenommene Theilung des Küssebruches, am 20. Juni 1434.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

rowlike beſittunge wente herto gehat hebben, vnd de vyſcher weren vppe den genanten wateren ſcholen bliuen, alſe ze allus lange gewelin ſint. Uppe dat wy daromme furdermer van beyden tzyden nicht to vnwillen komen derffen vnd ſo hebben wy vorbenomeden van Wuſtrow vns vor vns vnd vnſe eruen verwillkoret, weret dat wy edder vnſer vnderſaten welk vns an vyſchende ver-greppen edder ok den van Soltwedil holt affhown edder affhown liden, gras affmegeeden ed-dir affmeyen liden vnd des in der hantdaſtigen daet begrepen worden, ſo mogen de van Solt-wedil daromme panden eddir panden laten alſe, ouer eyken holte vmme dry mark pennige, ouer eſchen holte vmme ene mark pennige, ouer elren holte vmme achte ſchillinge pennige, ouer graſe vmme achte ſchilling pennige vnd ok vmme vyſchent vmme achte ſchilling pennige. Were ok, dat vnſer welk edder yemant van den vnſin mit den vorgeschreuen vyſchende, howende edder meyende beruchtiget worde, den mach man daromme bedegedingen, des willen wy denne mechtig weſin, dat he dar vor vull antwerde vnde recht plegen ſchole. Schege ouer des nicht, ſo mach men deme mit rechte volgen. Vortmer ſo ſcholen ok der vorbenomeden vnſer gnedigen heren briue, dede vorberurt ſint, deſſin briuen vnd deſſe yennen gantz vnſchedelig ſin vnd en jewelk ſchall by vuller macht bliuen ane allerley geuerde. Dat wy dit alſo ſtede vnd vaſt holden willen ane yen-nigerley behelpinge edder argeliſt, wu men de benomen mochte, des to bekantniſſe vnd ewiger bevelinge ſo heben wy Gert vnd Gert, vorgevornede, vor vns vnde vnſen eruen alſe ſakwel-digen vnd ik Matias van Jagow, ritter, to tuge, vnſe Ingeſegile mit vnſer wittſchopp an deſſin briff laten hengen, de gegeuen is am donredage vor dem Sontage Jubilate, na Criſti gebort ver-teynhundert jar, dar na in dem ver vnd druttigſten jare.

Nach dem Originale des Salzwehler Archives IV, 3. 4.

CCCXXII. Otto und Friedrich, Herzöge von Braunschweig und Lüneburg, genehmigen die von der Stadt Salzwehler und denen von Wuſtrow vorgenommene Theilung des Küſſebroches, am 20. Juni 1434.

Wy Otto vnde Friderick, von Godes gnaden Hertogen to Brunwich vnd Lune-borg, bekennen vor vns vnd vnſe eruen in deſſen open breue, ſo als de hochgeborne Forſte her Johan, Marckgreue to Brandenburg vnd borchgreue to Nürenberge, vnd her Wil-helm, Hertoge to Brunwich vnd Luneborg, vnſe leuer Swager vnd Feddere, Gherde vnd Gherde van Wuſtrow, borgermeſter, radmanne, Werke vnd ganze Gemeynen beyder ſtede Soltwedel myd eren beſegelden breuen vmme dat Kuſebroch entſcheden hebben, alſo dat de ſüluen yan Wuſtrow vnd van Soltwedel datſülue Kuſebroch delen Scholden, dar de vor-ſcreuen vnſe Fedder edder wy vnſer Rede vnd Amelüde dre by ſenden wolden, vnd vord alſe de vorgerorden breue inholden, ſodan delinghe vnd ſchedinghe de vorſcreuen van Wuſtrow vnd van Soltwedel ſüluen vnder ander fründliken getogen vnd gedan hebben, da wy nemand by ge-had hebben, dat is geſcheyn myd vnſen guden willen vnd fulborde vnd ſchal den vorſcreuen von Soltwedel vnd den van Wuſtrow nergen ane ſchaden, dat wy dar vnſe vorſcreuen rede vnd Amelude nicht by gehat hebben. Des to bekantniſſe hebben wy vnſe Ingeſegel an düſſen

breff gehengen heten, de gegeuen na Godesbord Dufent veyrhundert dar na in dem veyr vnd druttigstem Jare, des neghesten Sondaghes na Sunte Vites daghe.

Nach dem Originale des Salzwo. Archives IV, 2.

CCCXXIII. Der Rath der Altstadt Salzwedel nimmt von einem Bürger der Neustadt ein Darlehn auf, am 28. Juni 1434.

Wy Hans vngnade, Hinric dorheide, Hans buck, Henning Wupelt, Wilhelm bormester, Clawes erckleue, didrig mechow, kersten schulte, Hans schermer, Hans alinxtede, Hans goting vnnnd Hinric Rodensee, Radmenne der Oldenstat Soltwedel, bekennen apenbar tugende vor alfweme, dat wii myt fulborde vnnnd nach Rade der Oldesten vnnes Rades, rechte vnnnd redelken vorkofft hebben vnnnd vorkopen myt macht dessels breues, In den tinsen, renten vnnnd guderen, de vnser Stad alle Jarlikes vallen mogen, deme bescheiden Hanse Merine, myt vns Borger In der Nigenstat, vnde synen eruen II punt penninge Soltwedelscher geringe Jarliker rente vor L marc Soltwedelscher penninge, de he vns wol to danke betalet heest vnnnd al In vnser Stad nud vnnnd behuff gekomen synt. Desse II punt Jarliker tinsze scholen vnnnd willen wii vnde vnse nakomen vnnes Rades deme Erbenomeden Hanse alle Jarlikes vt vnser Stad tinszen vnnnd guderen van vnsem Radhuse to twen tiiden des Jares, alse to wynachten I punt vnnnd to Johannis Baptisten dage I punt, geuen vnnnd betalen sunder vortucht vnnnd weddersprake, doch also mede Inbescheiden, wen wii edder vnse Nakomen vnnes Rades dasuluest II punt penninge Jarliker tinsze wedder affcopen willen, so scholen wii deme suluen Hanse edder synen eruen de vorcreuen L marc penninge Soltwedelscher geringe vnde ok dar to de tinsze, de denne nach andele der tiid geboren synt, vul vnnnd al wedder entrichten vnnnd betalen. Wenne dat denne also geschen ys, so scholen vns, vnseme Rade vnnnd vnser Stad de vorcreuen tinsze wedder leddich vnnnd loes syn. Desses to merer tuchnisse, so ys vnser Stad Ingefegel myt vnser witschop gebangen an dessen breeff, de ghegeuen ys am maendage na Sunte Johans Baptisten dage, na Cristi gebord vertieuhundert Jar, dar na In deme XXXIII. Jare.

Nach dem Originale des Salzwedeler Archives XVII, 29.

CCCXXIV. Der Rath der Altstadt Salzwedel nimmt von einem Vicar der St. Peters-Kirche zu Stendal ein Darlehn auf, am 29. November 1434.

Wy Radmanne der oldenstat Soltwedel Bekennen openbar tugende vor alfweme, dat wy mit rade vnd vulborde der oldesten vnnes radis, rechte vnd redelgen vorcossit hebben vnd vorcopen mit macht dessels vnnes briues In den tinsen, renten vnd gudern, de vnser stat alle iarliks